

輶
聞
大
觀

(下)

兩代 輶聞大觀

毘陵李定夷纂

第二編 清代

卷一 宮闈雜記

●孝莊之秘事

清太宗孝莊后美姿容。富權謀。常參太宗軍事。明督師洪承疇被執。太宗愛其才。下計說之。弗肯降。以語后。后親覘之。素面掩映窗櫺間。洪見之。狂呼曰。雲兒。雲兒。爲洪變童貌。酷似后。故洪見后而誤謂也。其在邪趣來。吾幾爲汝懽。悴死矣。后識其語。使守者叩其故。洪曰。是吾謬郎雲兒也。兵潰相失。思之綦切。頃者瞥覩。情不自禁耳。守者白后。后復使人告洪曰。雲兒無恙。可還使君。惟使君必爲清廷效命。否則咫尺天涯。恐無相見時也。洪愕然不能對。是夜守者進羹。洪飲而大醉。燈下盈盈雲兒至矣。洪擁之。臥竟夕。曉日。瞳瞳詫其不類。后推枕起。侃侃自陳。爲國請命。洪驚其豔。且感其情。遽再拜曰。承疇知過矣。所不鞠躬盡瘁者。有如此日。后曰。佳哉。予向以爲英雄必富愛情。今

而益信使君今日與予倉卒訂情於森森狂狴中固使君夢想所不到者雖然愛河之水滔滔孽海之波疊疊惟大英雄大豪傑迺能奔放出入使君爲予設身處地須知吾二人情義至此而已嗟乎使君長白風雲應運勃起矣使君勉之異日戮力中原卽南朔分天而得此微影之留一一如聞警欵予行矣使君勉之洪寧帷送之涕泗浪浪襟袖矣洪降清事傳說不一茲事幽秘則鮮有知者紆母儀之尊寵絡佐命元勳至於薦枕而又發乎情止乎義求之歷史絕無僅有矣

明吳三桂之乞師滿洲也適清世祖冲齡嗣位睿王多爾袞以姬旦之親攝行政事擬報書謝三桂矣孝莊后聞其事驚曰中原多故龍蛇起陸千載一時也多爾袞奈何失此事機迺夜召王入對王嗒焉莫知所云后深詰之王歎息曰春花秋月人生幾何臣以天潢之貴攝理萬幾都爲過眼烟雲嘗謂人生世界上營擾寧有幾時惟男女愛情可爲命宮主宰蓋吾人性情中苟無歡苗愛葉之發生則枯寂心田必入厭世主義矧以年來寤寐誠求之矢的輒如海上神山可望而不可卽余懷蹙蹙行同蒲柳零落耳何能逐鹿爲雄邪后憮然曰傷哉王也長日鬱伊誰能遣此雖然以王深情惻惻何至

有意中人而不遂。雙棲予。今叩此隱秘。王第質言之。未亡人儻能爲將伯也。王曰。天恩高厚。臣知所報矣。免冠叩首。解佩玉一事。進於后。后審視之。則精鏤鴛鴦荷錢也。迺駭然攬王起曰。癡兒何至於相與議兵事。達旦不日而八旗勁旅出發入關矣。陳平故事見之宮闈。當時秘莫能詳。桐城蕭敬孚穆文集中有記。吳三桂起兵後。上疏清聖祖一事。疏中稱多爾袞恃功跋扈。流毒宮闈云云。蓋卽指摘此事。信乎一代興亡必有婦人焉。爲之關鍵也。（顧容齋）

●順治之父

相傳天女浴身而生順治者。非也。滿人好採獵。男女同一癖。順治母尤酷好之。一日獵於山。發三矢。鹿不中。急追逐。遇一偉男子於麓。而鹿殪其旁。招問之。自言爲王皋。睇其魁梧狀舉羣。無出其右者。挈回宮。與談鄉間事。頗津津。間及其歷史。順治母益大喜。與之通而生順治。順治生而有神力。髻鬣卽能舉石九十斤。穎悟尤卓絕。其父恐子長而審非已所出。先以計殺鄧倂子。鄧倂子者。隨王皋之勇士也。又以事殺皋。皋死屍不倒。使順治跪而呼曰。父。遂殭。至今奉天吉林一帶。諺有打發鄧倂子回家（卽戕命也）及

先祭王皋後祭皇陵二語蓋確證也（劉哲廬）

●孝莊下嫁攝政王

滿女無貞節可言夫死再醮或以叔繼之習俗視爲常事然初謂是或微民細人乃有此行至赫赫臨朝母儀天下者或不至蹈此常例也故相傳雖有順治太后下嫁多爾袞事未敢據以爲實近讀張蒼水集建東宮詞其七首云上壽觴爲合卺樽慈寧宮裏爛盈門春官昨進新儀注大禮恭逢太后婚蒼水此詩初不爲過甚之言特半解之士以爲此或前代遺民不嫌於新朝乃誣之以狀耳舊友秋心以舊鈔本東華錄見示錄載順治朝事頗詳蛛絲馬跡極可規尋於太后下嫁事益增一重鐵案焉錄云上尊攝政王曰皇父又云皇父攝政王出入宮庭無虛夕又云七年十一月壬戌攝政王以有疾獵於邊外十二月戊子薨於叻喇城時年三十有九丙申柩至上迎於東直門五里外跪奠三爵大慟己亥詔曰『太宗文皇帝升遐之時諸王大臣擁戴皇父攝政王堅持推讓扶立朕躬又平定中原統一天下至德豐功千古無兩不幸於順治七年十二月初九日戌時以疾上賓朕心摧痛中外喪儀合依帝禮嗚呼恩義兼隆冀報如天之

德哀榮備至。式符薄海之心。』據東華錄所載曰：跪奠三爵。曰：皇父曰：合依帝禮。曰：如天之德。非人臣禮可知矣。特作者鑒於刑戮。有加不敢明言。僅錄上諭。以爲後世端緒耳。東華錄又載甲辰追尊攝政王爲懋德修道廣業定功安民立政誠敬義皇帝。廟號成宗（其尊號旋即削去）。據此攝政王縱有豐功偉烈。安有以人臣而尊之爲帝者。此殆出自太后意旨。而順治亦無如何。特爲此中之傀儡耳。按世傳本有國母大婚典禮一書。此書奏進時。由錢牧齋領銜。牧齋官禮部。則與蒼水春官。昨進新儀注一語尤吻合也。（劉哲廬）

●聖祖殺戮明裔之報

清聖祖虐殺朱三。株連多人。凡有人心者。靡不切齒。康熙四十七年九月丁丑。聖祖詔諸王及諸大臣齊集行宮。廢皇太子允禔。其後諭云：今歲有事。朕已預知。朕意中若有一事將發者。曾向允禔言之。今歲朱三事發後。允禔奏曰：皇父之言驗矣。朕謂之曰：尚恐未盡於此也。彼時亦不知所發何事。而不意竟有此事也。（指廢允禔事）云云。康熙諭中。雖無意中涉及朱三。而後世閱者。以爲此卽誅殺朱三之報。而致允禔日後轉爲

弟所戕也。嘻。天道好還。可不畏歟。(劉哲廬)

● 雍和宮異聞

世宗當奪嫡之先。卽藉供養諸喇嘛之名。陰蓄死士。有大喇嘛呼圖者。黠狠多智術。外假誦經打鬼之號。設諸詭秘道場。廣招僧徒。至數萬人。寺宇不能容。則四出民間。賃舍棲止。奇橫一時。無匹呼圖。乃日夜與雍邸計畫。傾危太子事。又常與雍邸出爲微行。雍邸飲博狎妓。無所不至。呼圖易裝從之。怒馬鮮衣。無有人知其爲喇嘛者。顧日在金迷紙醉中。慾心不能無動。且恃其魔術。足以欺弄愚民。而紅教宗法。本不嚴色戒。遂多曖昧。不可究詰之事。世宗知之。不問也。其麾下小喇嘛。旣雜處民間。滿蒙習俗。男女主客界限本寬。而於僧尼。輒以能得親近佛體爲幸福。尤無因奸齟齬事。惟漢人外崇禮節。不肯公然留喇嘛於家。而喇嘛動愛漢人婦女。或就與嬉鬪。毆爭執之事。幾無日蔑有。地安門外有王姓者。自言先世江蘇武進人。販售花果要物。時出入滿旗某佐領家。佐領托購南物。時時與以沾潤。遂相友善。王妻陳氏。齒少有姿。佐領老矣。呼之爲父。兩家旣往來。陳氏與佐領家屬如戚串。飲食歲時無不共談笑。陳氏又軟媚乖巧。頗得人歡。

心卽佐領家之親屬咸嘖嘖稱爲可人兒也佐領給事某都統家性佞佛趨承喇嘛甚虔都統之子女或從佐領膜拜各廟故與喇嘛甚稔喇嘛亦以其爲都統所寵信樂與之昵於是賁廡柱錫於佐領家者踵相接也佐領家人俱迷信喇嘛之神聖以爲一經摩頂便有成佛之望陳氏耳濡目染不能不入其漩渦喇嘛又慫恿之以爲此實菩薩化身徒因愛根未淨遂墮人間故有夙慧爾等凡劫中人萬不足與之韻頗婦女之性固喜人揚贊况爾時風氣所趨摺紳權要尙仰喇嘛鼻息愚夫婦又安足論陳氏旣與諸喇嘛稔或從佐領眷屬入各寺廟觀禮豐容盛鬋見者盡傾置之滿旗衆眷中不啻鶴立鷄羣也時大喇嘛方登法座被紫袈裟說無上妙法瞥見之忽於座上作禮曰普賢菩薩從西方忉利天來貧僧何福消受衆聞此語咸吐舌驚奇牽陳氏令膜拜大喇嘛合十止之曰勿爾菩薩根器在貧僧上貧僧當膜拜之菩薩不應膜拜貧僧也陳氏方含羞歛笑心搖搖不知所措諸婦女扶之登蒲團上盈盈而拜矣大喇嘛特賜摩頂禮偶引手觸其乳陳氏色赧諸婦女若以爲榮也自是遂留梵王宮內者旬日王某見妻不歸時至佐領家探問而佐領家婦女亦有未歸者以爲參歡喜禪無足異也無何

佐領家婦女咸返而陳氏獨不至始大疑又聞四城民家往往婦女失蹤云爲喇嘛所據求之輒無蹤影或冒險入喇嘛廟追索則往往不復返相傳打鬼時以之餒夜叉也王某遂不敢深求顧心念嬌妻奄然成病一日佐領至問所苦語以故曰爾婦與羅漢有緣行往西方極樂國矣何苦爲王某哀之曰吾伉儷未踰三載尙無子女鰥境實所不堪苟得時時賜一見者死且不休喇嘛天上人吾凡夫敢與之爭緣法但能大放慈悲遂吾心願則其他非所計佐領曰容吾得間圖之或有萬一效但此舉非在格例中也王某唯唯數日佐領來報曰大喇嘛寵奉爾妻如神明所請罔不聽從前日爲爾妻作法招西方龍象曼衍游戲又幻爲黃金世界使爾妻瓔珞垂珠立其上儼然一觀世音也且聞皇子雍邸亦甚稱賞賜寶物無算爾妻今升天上矣吾將以爾意介婦女探之不知能爲爾緩頰否王某頓首者九求佐領必爲之地願他日銜結以報佐領諾之又數日忽奔走流汗相屬而來曰爾妻今得間遣使招爾一往遲則誤機王某疾馳至曲折入殿旁一精舍中見陳氏果濃妝豔飾端坐其中左右小男女數人俱姣好王某大驚不覺屈膝陳氏牽之起略敘舊情亦復嗚咽王某求當侍左右妻俯思良久曰子

能。皈。依。喇。嘛。卽。可。時。時。相。見。王。某。允。諾。妻。曰。然。有。一。規。例。願。難。子。能。忍。耐。爲。之。則。事。諧。矣。王。某。問。奈。何。陳。氏。曰。凡。初。依。喇。嘛。坐。下。須。得。大。喇。嘛。收。錄。求。收。錄。法。須。膜。拜。如。藏。經。之。數。卽。五。千。零。四。十。八。是。也。而。膜。拜。甚。難。與。吾。輩。叩。首。大。異。蓋。必。五。體。投。地。以。手。捧。額。至。土。旣。起。復。跪。旣。跪。而。伏。如。是。循。環。至。五。千。零。四。十。八。次。若。力。竭。中。止。卽。作。爲。無。效。明。日。復。行。不。能。以。間。斷。之。數。合。計。算。也。是。以。志。願。薄。弱。者。往。往。不。能。滿。數。而。止。氣。喘。力。疲。不。可。復。續。矣。吾。夫。能。行。之。否。王。某。奮。然。曰。吾。念。汝。亦。瀕。死。今。膜。拜。力。竭。拚。死。而。止。耳。鈞。是。一。死。無。寧。膜。拜。乃。請。於。喇。嘛。願。如。法。規。求。收。錄。大。喇。嘛。許。之。王。某。果。膜。拜。如。數。雖。力。竭。不。止。也。大。喇。嘛。始。知。爲。陳。氏。之。夫。然。業。已。許。之。不。可。悔。遂。錄。於。座。下。爲。值。殿。誦。經。每。晚。休。息。時。與。陳。氏。相。見。或。伺。喇。嘛。與。雍。邸。有。秘。議。則。且。得。與。陳。氏。同。寢。處。儼。如。夫。婦。久。之。雍。邸。見。王。某。喜。其。勤。謹。誠。篤。見。於。詞。色。問。大。喇。嘛。始。知。其。由。絕。愛。信。之。使。常。在。御。前。執。役。而。陳。氏。者。固。早。有。齧。唇。之。寵。夫。婦。且。擅。權。中。禁。矣。雍。邸。更。愛。陳。氏。機。警。且。使。參。與。密。議。嘗。顧。而。語。之。曰。孤。登。大。寶。此。宮。界。汝。執。掌。可。也。

會。奪。嫡。事。中。變。皇。十。四。子。允。禔。等。希。上。寵。且。廣。樹。敵。與。雍。王。爭。鋒。暗。潮。甚。烈。其。邸。中。亦。

厚養喇嘛。輒以詛咒致人死命。雍邸患之。欲與呼圖謀抵制。呼圖實陰受敵款。將俟隙以魔術斃殺。雍王挾陳氏歸。允糖雍王未知也。猶日夜密商禦侮之策。呼圖殊落落。雍王疑之一日。密召陳氏入他室。謂之曰。吾愛汝。踰於尋常。妃嬪汝亦知所報乎。且汝苟忠良。吾之福汝尙未已。陳氏踞而泣曰。妾以貧家婦。得侍殿下。感何可言。惟恐事機牽掣。使妾無所用其忠。則妾死不足惜。而殿下終不能收養士之報。乃誠可惜耳。雍王知語中有刺。徐歎曰。吾養此輩亦不得已耳。縱虎入山林而欲其不噬人。勢安可得。早知今日何必當初。然悔已無及。卿明慧若此。竟與蛇蠍爲隣。吾之過也。雖然。卿亦有所聞乎。陳氏膝行而進曰。妾無狀。雖聞惡聲不敢出諸口。惟恐朝啓齒而夕魚肉也。殿下有問。妾致命遂志之日至矣。彼羅漢者。固將與阿其那等比而死殿下耳。妾聞之心膽俱碎。今日既言之。妾事畢矣。願伏劍於前。毋使奸人污妾殿下。當好自爲之。勿以妾爲念。語次。劍出於匣。欲自刎。雍王急使人持之。得不死。乃密語陳氏以術曰。苟侍大喇嘛如是。賜之。吾自有處置。是夜雍和宮大擾。侍者如聞金戈鐵馬聲。而不見兵刃。及曉。邏者報大喇嘛身首異處。左右連死者數人。菩薩陳氏失所在。事既定。王某痛妻不已。欲求

其尸。雍王曰：彼何嘗死？吾恐他喇嘛仇彼，匿於別宮耳。大事若成，吾卽賜之金帛，遣汝夫婦居是宮，奉香火，寧不甚善？此日尙非出頭日也。王某唯唯謝而疑信參半。一日，雍王急召王某入宮，與喇嘛數人俱抵宮門。方瞻顧問，覺一人牽其衣視之。雍王也目動，不語，忽出小牌數寸，置王某衣囊中，亦不復語。門前侍從森然，不敢請無何，聖祖駕崩，召諸喇嘛入，誦經例，得以一人捧嗣皇帝牌名出。大行皇帝御筆也。是時侍衛等俱立簷下，禁止入闕。惟顧命大臣與喇嘛可入。王某見大臣敬奉遺詔之牌，與雍王所私給者相類，心大異之。乃取小牌竊視，則四皇子云云也。亟旋視詔牌四字上加十字，驚駭欲顛，強持之齒唇，振振然無何，傳呼捧牌者赫然屬己名，逡巡前取疾趨而下。及庭除，乃易以衣囊中所藏牌出宮門。一步而四皇太子登極之詔宣矣。王某知事雖成，禍且不測，心悸不已。及歸雍和宮，侍者迎白曰：新皇帝有詔，令大師入居舊大喇嘛禪牀。王某不敢違，急入視見已，妻端坐於牀，大喜欲執手慰問，而其人寂然不動。王某笑曰：卿正入定耶？亦不語，以手接之，體冰驚而諦視，則泥塑像耳。急問侍者何日死？侍者曰：久矣。蓋大喇嘛身首異處之日，亦卽菩薩畢命歸真之辰耳。此事安能兩全？大師亦好自

爲之。王。某。聞。言。猶。徬。徨。未。決。忽。轉。一。念。恍。如。陳。氏。詔。已。非。死。不。樂。盡。歸。休。遂。取。囊。中。毒。藥。自。殺。於。陳。氏。之。旁。世。宗。聞。之。大。爲。哀。悼。遣。他。喇。嘛。賜。祭。葬。題。精。舍。曰。雙。忠。中。藏。陳。氏。塑。像。漢。裝。纖。足。貌。絕。美。咸。同。間。尙。有。曾。見。之。者。今。失。所。在。〔許。指。殿〕

● 雍正帝之友

清。雍。正。帝。天。資。英。武。生。而。不。凡。於。諸。皇。裔。中。獨。推。爲。雞。羣。之。冠。相。傳。爲。雁。行。叙。列。帝。實。居。於。季。次。初。非。太。子。也。因。得。乃。父。歡。心。故。得。越。階。次。而。傳。大。寶。當。其。弱。冠。時。正。值。朝。野。昇。平。四。夷。効。命。警。蹕。所。至。不。禁。金。吾。帝。以。其。時。雜。居。皇。嗣。中。尙。無。太。子。膺。命。關。係。故。嘗。易。服。出。游。脫。然。無。累。會。清。室。大。吏。奏。對。時。有。談。及。浙。中。名。勝。爲。帝。所。聞。意。忤。忤。動。必。欲。躬。蒞。其。地。一。觀。其。盛。乃。屏。絕。侍。衛。偕。三。五。親。信。僕。從。卽。日。啓。程。南。下。緣。上。好。劍。術。慕。俠。技。之。數。人。者。皆。當。時。精。劍。術。技。擊。之。一。流。人。物。上。恃。之。以。爲。護。身。符。者。也。

既。抵。浙。中。乃。韜。聲。匿。跡。謝。絕。塵。市。喧。嘩。一。味。與。西。冷。橋。畔。之。風。月。爲。伍。白。晝。則。浮。家。泛。宅。容。與。中。流。搜。尋。勝。跡。遺。區。以。資。憑。弔。偶。與。父。老。談。及。劫。餘。人。事。上。亦。不。禁。俯。仰。身。世。感。慨。歎。歎。昏。夜。則。棲。身。於。古。剎。叢。林。與。二。三。方。丈。來。參。清。淨。之。禪。意。頗。自。得。彼。勢。利。氣。

氤之方外。雖未識天潢華胄。而逆料爲北來貴客。則不中不遠。故後先疏附。所以奉命其間者。無微不至。而不知適以增上之感觸。謂此輩旣蠲除煩惱。懺悔爲禪。而猶不免執塵俗勢利之見。殊可惱人。作客月餘。意殊不懌。方圖改道。他適。訪幽探勝。間以視民疾苦。冀不幸負此一行耳。

萍蹤偶合。相遇匪疎。何物羽衣。獨遭上眷。不可謂非異數也。緣帝微服巡遊。不敢廣事結納。致漏洩個中消息。而客中旣少知交。益覺落落寡合。某夜餐畢。方擬踏月尋游。以消岑寂。忽遇外來一行。脚羽士來寺投宿。帝見其一肩行李。無他長物。而觀其器宇。則殊瀟灑出塵。無市井氣。乃殷殷向前展詢。邦族則李。其姓而巍。其名世居石門灣。及自身而皈依道教。以了塵緣者。慕名西子湖。來浙盤桓者。匪伊朝夕矣。會逢其適。得與帝晤。相見恨晚。由是志同道合。探奇索勝。出入必偕。而李除游玩外。復酷嗜杯中物。帝亦強與周旋。了無倦容。即有時慢不爲禮。帝不以爲意。氣之傲。而以爲志行之奇。眷遇之隆。無與倫比。在李雖未悉帝之底蘊。度必爲名門華胄。而顧無富貴驕矜之態。咄咄逼人。而乃與方外締交。不亦濁世公子之難得者耶。布衣王侯分庭抗禮。氣誼之相孚。固

有以也。

江東渭北春樹暮雲勞燕分飛古今同慨帝自與李盤桓匝月後厭倦征塵久動歸與之念乃以感情所繫未忍遽離不得不臨別贈言以作紀念爰以微意探李曰長老跋水涉山性耽游歷亦知京師首善區不亞於江南烟雨乎燕趙多慷慨悲歌士此中人情風土大異南疆固不可不一爲領略也離長叙短人盡難堪悵矣此行未稔重違於何日長老如有意北遊惠然肯來則就詢蹤迹於某地古玩肆中卽不難一索而得也於是臨歧欷歔不忍釋手帝復親書燕京寓址以授李始各致聲珍重而別

李羽士者性極豪放胸無城府未鑿渾沌罔知趨避帝以其確守道家元妙故能相契於無言彼所居者百餘年來之古廟耳敗壁殘垣不蔽風雨旣無香火緣復不向城中諸大善士作募金之舉所相依不舍者僅一出家無告之老人而已地非塵囂而性耽靜僻負郭里許外居之亦甚相宜也而不知其極大禍機卽種因於此某日昏暮有短衣窄袖形似工作者三五人叩門投宿李不加詳察且以道家普利存心未便固拒遽爾允諾復爲擇一精潔室爲若輩下榻之所翌晨卽倉皇遽去李初不之疑也去後數

小時邑署中偵士五六輩卽跟蹤而至不問情由擅自搜尋殆遍李見之而茫然睥睨殊甚各偵士搜尋許久忽見室隅遺下一小囊啓視之乃纍纍飾物也偵士輩卽指爲贓物并指李通盜埋贓謂盜等出發何所必能盡知底蘊速吐實情以免窮治否則捉將官裏去不汝貸矣李力辨其誣且叩首如搗蒜而若輩聲勢汹汹豈能加恕前呼後擁強曳而行无妄之災竟慘然而消受矣

問官端坐法禁森嚴鐵索銀鐐倍增愁慘研訊之下哄嚇詐騙靡所不爲堂諭謂贓證確鑿無可抵賴盜等何德於汝而遺此刼來物件於室中就令倉皇遽去且似此細軟貴重品亦斷不至忘却而遺下也李縱受盡刑逼矢口不移謂願死於枉法城中決不妄供然而無情文書固已詳省而達部矣孰知事有轉機蒼蒼者若默爲呵護彼追隨廟中之無告老人憫李之冤不甘坐視始而控府繼而控省案因而懸擱者幾及兩年餘雖事成鐵案始終不直而老人並未灰心終且往邑中探監謂必盡最後能力控諸京中以冀一線之補救然而相對太息一籌莫展遲之又久李若恍然大悟亟謂老人曰數年前余游玩浙中得一京友頗爲契善其通訊筆錄余尙儲諸箱篋中煩爲檢出

謹藏汝赴京中客地生疎益難爲力不如就京友處姑往謀之冀得一助感汝誠意決不相忘至事之能否回天余已置諸度外矣老人乃揮淚而出匆匆北上既抵燕京卽往某古玩肆中拜謁主人告以來意并袖出京友通訊所之筆錄以期肆主人之轉告主人閱之而大驚曰此固明明今上之手筆也汝何從而得此乎蓋肆中主人與帝自幼相習故能親認御筆而無誤此時帝固已擢太子而進登九錫矣乃厚待老人賓諸上館暗中卽私進大內代爲竭力斡旋越數日謂老人曰事已有濟不久卽可分曉客中久滯殊苦不便速行回里可也老人莫明端緒且信且疑叩主人以真相則不允直告頗爲難耐然因資斧不繼不得已而告旋孰知抵寺後已見李手捧經而朗誦枯坐如常態矣大駭叩以故謂汝自探監起程後事隔三月餘（其時輪舶未通南北往返需時致有三閱月之久）卽由刑部飭下省中大吏轉飭府縣傳旨申斥立予釋放由是額手相慶稱誦聖明不已又越數日忽報邑尊踵門求謁李大賊降隊相迎亟叩以故則謂密受今上詔意敦促長老北上以求一晤言次復道歉不止至是李復偃促不自安緣一介方外未覩朝儀烏敢妄窺天顏也願以詔旨所迫又不敢抗命乃倉猝起